

錦繡萬花谷

四十四

錦繡萬花谷別集卷之二十四

宮殿類

阿房宮房音芳

史記始皇作前殿阿房東西五百步南北五十丈上可以坐
万人下可以建五丈旗又杜牧阿房宮賦蜀山兀阿房出覆
壓三百餘里隔離天日驪山北構而西折直走咸陽三川溶
二流入宮牆五步一樓十步一閣廊腰縵迴簷牙高啄

鳳閣虎圈

漢太初元年作建章宮度為千門万户東則鳳閣西則虎圈
北治大池漸臺名曰太液南有玉堂畫堂道相屬焉灑子銘反

七殿

李太白宮中行樂詞玉樓巢翡翠珠殿瑣鴛鴦選妓隨雕輦
徵歌出洞房宮中誰第一飛燕在昭陽

柳蒲為誰綠

杜哀江頭詩少陵野老吞聲哭春日潛行曲江曲江頭宮殿
鎖千門細柳新蒲為誰綠

詩

梧桐葉生綠陰長
長聲短聲弄春禽曉煙入窻簾幙重日影
未透春沉二風吹細管无尋如霧隔樓臺花隔霧欄干屈曲
閣道通漢宮千里皆相似鳴車玲瓏下星橋扶上雲端望赭
袍霹靂一声宮仗過唯見月明金殿高右沈存中漢宮詩

宅舍類

木床葦席

杜寄舍弟詩更信羅含俱有宅黃註云更信因侯景之亂自
建康遁歸江陵居宋玉故宅二在城北三里又師註云羅含

為桓溫別駕以解舍喧擾於江陵城西三里小洲上立茅屋
伐木為床織韋為席而居布衣蔬食晏如也後安成王在鎮
以其宅借錄事劉朗之見一丈夫衣冠甚偉朗之驚問忽然
失之人謂舍有神

佳宅直二百方

唐馬周為御史時遣人以畜購宅眾以其吳書生素無貨皆
竊笑它日自有佳宅直二百方周遂以聞詔有司給直并賜
奴婢什物由是人乃悟

鸞雀賀

淮南子大厦成而鸞雀知賀

方間庭寒士

世言屋貴安得廣厦千方間大庇天下寒士俱歡顏風雨不
動安如山嗚呼何時眼前突兀見此屋吾廬獨被受凍死亦
足

百父屋併蒙

揚吾子篇震風凌雨然後知夏屋之併蒙也

治第東都

裴度治第東都沼石林叢岩繞幽勝午橋作別墅具燠館涼
臺号綠野堂度野服与居易劉禹錫文章把酒

桑樞瓮牖

莊讓王篇原憲居魯環堵之室桑樞瓮牖

蝸牛廬

魏志胡昭傳註隱者焦光作負舍形如蝸牛謂之蝸牛廬

辛勤三十年

韓辛勤三十年以有此屋廬

散廬避風雨

文中有先人之敞廬在可以避風雨

階庭類

芝蘭玉樹

晉書謝元為叔父安所器重安嘗戒約子弟元吞曰譬如芝蘭玉樹欲使其生於庭階耳安大悅

金祀

選西京賦金祀玉階彤庭輝二

左城

選班固西都賦左城右平重軒三階詳城階級也

文陛

梅福傳願一登文石之陛踐赤墀之塗又沈休文碑升降文陛註云以文石砌之

三等

別六口

司馬遷傳堯舜堂高九尺土階三等

種棠

潘岳詩前庭種沙棠

楸生

韓庭楸止五株共生百步間

門墻類

通德門

後漢鄭玄字康成孔融造門生高密縣曰昔于公僅有一節猶侈其門閭矧鄭公之德而無駟牡之路可廣開門衛令容高車號為通德門

雷門

漢王尊曰母持布鼓過雷門註云雷門會稽城門也有大鼓越擊此鼓聲聞洛陽布鼓以布為鼓

剝啄

韓文剝二啄二有客至門我不出應客去而噴

掃軌

後杜密傳同郡劉勝自蜀郡告歸鄉里閉門掃軌无所不及

無丹青之彩

劉向新序諸侯垣墉無丹青之彩

蔽隱形容

釋名墉容也所以蔽隱形容

門銘

李尤門銘之設張為宅表會

多車轍

陳平家貧以席為門外多長者車轍

登龍

後李膺以声名自高士被其容接者名登龍門

無鄉相輿

左太冲詩寂二揚子宅門無鄉相輿

羅雀

前程公為廷尉賓客填門及廢門外可設雀羅

容駟馬

于定國傳于公門壞父老治之于公曰少高大其門令容駟

馬我治獄多陰德子孫當有與者至孫于定國為丞相

金馬

史金馬門者署門旁有銅馬故謂之金馬門

樓閣類

辰氣

漢書曰海旁辰氣象樓臺辰氣成宮闕

井幹樓

漢宮殿疏云井幹樓積木而高為樓若井幹之形也井幹者井上木欄也其形或四角或八角張衡西京賦云井幹疊而百層

乘月清嘯

晉劉琨在晉陽嘗為胡騎所圍數重窘迫無計琨乃乘月登樓清嘯賊聞之皆淒然長嘆中夜奏胡笳賊又流涕有懷土之功向曉復吹之賊並棄圍而去

五層

幽明錄鄴城五層樓

八詠

沈休文有八詠樓

候神人

史黃帝為樓候神人

芳塵

拾遺記石虎起樓四十丈以雜寶異香為屑風作則揚之名芳塵

吹簫感鳳

列仙傳秦穆公女登樓吹簫感鳳來

臨春

南史陳後主起臨春結綺望春三閣皆以沉檀香木為之詩

未登快閣心先快紅日半簷秋雨晴宇宙無邊萬山立雲煙

不動八窻明飛來一鶴天相近過尺千帆江自橫借問金華

老仙伯幾人無忝入詩盟戴石屏登快閣和山谷留題之韻

鄂州州前山頂頭上有縹緗百尺樓大開窺戶納宇宙萬物

攔干侵斗牛我疑脚踏蒼龍背下瞰八荒无内外江渚鱗差
十萬家淮楚荆湖一都會西風吹尺吏公塵秋影涵空動碧
雲欲識古今興廢事細看文簡李公文戴石屏鄂州南樓詩
北固樓前一笛風碧雲飛尽建康宮江南二月多芳草春在
濛濛細雨中僧仲殊飛宇橫天末回攔下水濱卷簾千嶂月
凭檻一溪春沈存中疊嶂樓秋光着地清如瀉拂座輕雲行
玉馬晴谿双影上青冥風動波光搖碧瓦凝嵐欲開天映水
重二翠巘冰紈裏曲垣秀拱繚層城斗上蒼崖見雲起春泉
竹徑煙曛曩昼撓落如江如空晴天遠樹礙孤嶼清轉唳管
低霜鴻人散日斜歸鳥自葉底秋声含暮色半天簾幔煙霧
中海雲不動蓬山碧沈存中宣城双溪閣詩双峯直上与天
參僧共白雲棲一庵今古詩人吟不尺好山无数滿江南戴
石屏由山翠微閣

亭臺類

沉香為亭

唐淮南壯王道元六世孫漢字南紀累迁左拾遺敬宗修宮
室舫置獻沉香亭材帝受之漢諫曰以沉香為亭何異瑤臺
瓊室乎

孟亭

唐孟浩然王維過郢州登浩然像於刺史亭因曰浩然亭咸
通中鄭誠謂賢者名不可斥更曰孟亭

勞勞亭

李白勞勞亭詩天下傷心處勞勞送客亭春風知別苦不遣
柳條青

趙公亭

李白趙公西候新亭頌耽二高亭趙公所營如鼇背突兀於

太清如鵬翼開張而欲行

寒亭

雲齋廣錄云荆門軍玉泉山寒亭過客多題詩獨一篇云朔風凜凜雪漫漫未是寒亭分外寒六月火雲天不雨請君來此凭欄干

神明臺

師古曰漢宮殿疏云神明臺高五十丈上有九室恒置九天道士百人

登單于臺

漢武帝紀登單于臺動兵十八萬騎旌旗徑千餘里

精思亭

唐李德裕私第有精思亭

戲馬臺

項羽築戲馬臺又南齊書宋武帝為宋公子時在彭城九月九日遊戲馬臺今相承以為故事

詩

倚遍南樓更鶴樓小亭瀟灑更宜秋接天煙浪來三峽隔岸樓臺又一州豪傑不生機事自古今无尺大江流凭欄日暮懷鄉國崔顥詩中舊日愁戴石屏邠鄉煙波亭尋幽攜履老猶勤但竟吟身瘦幾分淨洗一生塵土眼細看七十二峯雲戴石屏邠市勝業寺悅亭亭下新池好亭中古意存欲通溪上路遂關竹邊門自昔好賓客相傳到子孫會看司命鶴時到種瓜園戴石屏題黃仲文雙清亭登臨舒老眼吊古得婁涼故國自龍虎高臺無鳳凰浮雲多改變喬木見興亡往事渾休問鍾山又夕陽戴石屏鳳凰臺

池塘類

曲江池

康駢劇譚錄曲江池本秦隘州開元中疏鑿為妙境花卉周環煙木明媚都人遊玩盛於中和節江側孤浦葱翠柳陰四合碧波紅葉湛然可笑

泰液池

前郊祀志武帝甘泉作建章宮其北治大池名曰泰液池中
有蓬萊方丈海中神山

昆明池

潘岳閨中記漢武帝習水戰作昆明池又西征賦昆明池湯湯漭漭二混漭漭漫

衝破琉璃

王筠詩扁舟泛西池衝破琉璃

生春草

另苗

謝靈運思詩不就忽夢弟惠連即得池塘生春草之句大以為工

今死園類

宜春苑

西京雜記云京城龍華寺南有流水屈曲謂之曲江在秦詩為宜春苑漢時為樂遊苑

令麋鹿觸冠

史記秦始皇欲大死園優旃曰善多縱禽獸於其中冠從東方來令麋鹿觸之足矣始皇輟止二世立又欲漆其城旃曰佳哉傑城傷二寇來不能上二世笑而止

天子賣果蔬

唐蘇良嗣傳裴匪躬案諸苑建言鬻果蔬儲利蘇公上良嗣曰公儀休一諸侯相拔葵去織未聞天子賣果蔬與人爭利

遂上

漢晉苑

徐堅初李記漢有上林樂游博望黃山後漢有鴻德畢上靈
昆廣成諸苑晉有平樂鹿子桑梓諸苑

博望

漢書矣太子既冠就宮為立博望苑使通賓客

蘊薪蒸

風俗通曰苑蘊也言薪蒸所蘊積也

養百獸

漢舊儀苑中養百獸祠用鹿麋

獵禽獸

漢舊儀天子秋冬射獵苑中取禽獸

漢名苑

漢書其名苑有天苑禁苑上苑

植木築土

說文植木為苑築土為園又云草木為苑禽獸為園

鳥栖

張協七命園栖三足之鳥

域禽獸

詩疏云園者築墻為界域故云域禽獸

原園具園

左傳三十三年鄭之有原園猶秦之有具園也

井類

投轄

前陳遵每大飲賓客滿堂輒取客車轄投井雖有急終不得
去

拜井

耿恭以疏勒城傍有澗水可固引兵據之匈奴擁絕澗水恭於城中穿井十五丈不得水乃向井再拜為吏士禱有頃水奔

不瀉劉

蘇氏演義小說載金陵記曰南計吏止于傳舍間及將就路以馬殘草瀉於井中而去謂無再過之期不久復由此飲於井遂為昔時劉刺喉而死故後人戒之曰千里井不瀉劉

木飲

酉陽雜俎云木飲州珠崖一州其地無泉民不作井皆仰樹汁為用

無井國

酉陽雜俎云仍建國無井及河澗所有種植待雨而生以紫

別十四

十一

鑿泥地承雨水用之穿井即若海水又鹹土俗潮落之後平地為池收魚以作食

半青半黃

酉陽雜俎云石陽縣有井水半青半黃黃者如灰汁取作粥飲悉作金色氣甚芬馥

掘井得舡

酉陽雜俎云烏山下無水魏末有人掘井五丈得一石函函中得一龜大如馬蹄復掘三丈遇盤石下有水流洶然遂鑿石穿水北流甚駛俄有一舡觸石而上匠人窺舡上得一松木板刻字曰吳赤烏二年八月十日武昌王子義之船

鑽羊

史孔子世家魯定公五年季桓子穿井得土缶中若羊仲尼曰土之怪鑽羊

素縵汲寒漿

古詩後園鑿井銀作床金瓶素縵汲寒漿

桔槔

說苑有丈夫負缶入井人教以重後輕前名曰桔槔丈夫曰
機智之巧必有機心吾耻不為

高齋萬花谷別集卷之二十四

圖書在版編目(CIP)數據

錦繡萬花谷.—北京:北京圖書館出版社,2003.12
(中華再造善本)

ISBN 7-5013-2355-0

I.錦… II. III.百科全書—中國—宋代 IV.Z222

中國版本圖書館CIP數據核字(2003)第110654號



書名 錦繡萬花谷(全四十四冊)

出版 北京圖書館出版社(100034 北京市西城區文津街七號)
發行 Tel:(010)66151313 Fax:(010)66174391

E-mail: Bstxb@publicf.nlc.gov.cn
Website: www.nlcpress.com

印刷 金壇市古籍印刷廠

開本 八

印張 三四四

版次 二〇〇三年十二月第一版第一次印刷

印數 一—一〇〇〇

書號 ISBN 7-5013-2355-0 / K·748

定價 一—一〇—〇圓



中國版本圖書館CIP數據核字(2003)第110654號
ISBN 7-5013-2355-0
I. 錦… II. III. 百科全書—中國—宋代 IV. Z222
錦繡萬花谷(全四十四冊)
北京圖書館出版社
Tel: (010) 66151313 Fax: (010) 66174391
E-mail: Bstxb@publicf.nlc.gov.cn
Website: www.nlcpress.com
金壇市古籍印刷廠

